

ejectus est. Et sic mansit leprosus usque ad finem vitæ suæ, habitans in domo separata extrâ Jerusalem. Interea Joathan, filius ejus administrabat regnum.

25. Joatham, filius Ozias fuit bonus. De quo scriptum est, 2 Paralipom. xxvi, 2: «Fecit quod rectum erat coram Domino, juxta omnia, quæ fecerat Ozias pater suus; excepto, quod non est ingressus templum Domini ad usurpandum officium Sacerdotale, in quo præcelluit patri. Unum in eo reprehenditur 4 Reg. xv, 35: «Verumtamen excelsa non abstulit.» De cætero in omnibus benè se gessit juxta illud 2 Paralip. xxvii, 6: «Corroboratusque est Joathan, eð quid direxisset vias suas coram Domino Deo suo.»

26. Achaz, filius Joathan fuit impius. De quo 4 Reg. xvi, et 2 Paralip. xxviii habemus hæc: 1. Derelicto Domino Deo patrū suorum, secutus est idolatriam regum Israel. 2. Fecit statuas, et coluit eas in excelsis, in collibus, et sub omini ligno frondoso, immolando victimas, et incensum adolendo. 3. Lustravit filios in igne et consecravit eo idolis. Propter has causas, tām ipse, quām subditi ejus gravissimè puniti sunt, et sèpius bello oppressi: 1, à Rasin rege Syriæ; 2, à Phacee rege Israel: (2 Paralip. xxviii, 5 et seqq.); 3, ab utroque coniunctim: (4 Reg. xvi, 5, et Isaiae vii, 5); 4, ab idumæis; 5, à philistæis; 6, à rege assyriorum. Hæc omnia contigerunt propter peccata regis Achaz: (2 Paralip. xxviii, 17 et sequentibus.)

27. Ezechias, filius Achaz fuit optimus juxta illud 4 Reg. xviii, 3: «Post eum non fuit similis ei de cunctis regibus Juda: sed neque in his, qui ante eum fuerunt.» Et ibidem: «Unde et erat Dominus cum eo, et in cunctis, ad quæ procedebat, sapienter se agebat.» Gesta ejus describuntur partim loco citatio, partim 2 Paralip. xxix et tribus seqq. Præcipua sunt hæc: Primò substulit idolatriam, et verum Dei cultum restituit hoc ordinè: 1. Contrivit statuas et idola, quæ Achaz pater ejus fabricaverat. 2. Dissipavit excelsa, et succidit lucos. 3. Confregit serpentem æneum, quem fecerat Moïses, quia filii Israel adolebant ei incensum. 4. Curavit per Levitas et Sacerdotes repurgari templum, Tabernaculum, vasa sa-

era, quæ à patre ipsius fuerant contaminata. 5. Ipsos quoque Levitas ac Sacerdotes monuit sui officii, ut offerrent sacrificia, restituuerent usum organorum, psalteriorum et cithararum. 6. Curavit celebrari Phase in Jerusalem, convocatis eo non tantum subditis, qui erant in regno Juda; sed etiam filiis Israel, qui remanserant ex aliis tribubus, et non erant cum reliquis ducti in captivitatem à rege assyriorum.

28. His peractis, venit Sennacherib rex assyriorum cum ingenti exercitu contra Ezechiam, et obsedit Jerusalem. Ezech. totam spem suam ponebat in Deo, cumque supplex orabat pro liberatione. Nec frustra: nam quadam nocte Angelus Domini venit in castra assyriorum, et percussit centum octoginta quinque millia hominum. Mox fugit Sennacherib, et rediit in Ninive, ibique à filiis suis interfectus est.

29. Post hæc agrotavit Ezechias, et ab Isaia propheta monitus est, ut disponeret se ad mortem. Iterum oravit cum fletu, et responsum est illi à Domino per eundem Prophetam: «Audivi orationem tuam, et vidi lacrymas tuas, et ecce sanavi te: Die tertio ascendas templum Domini, et addam diebus tuis quindecim annos.» Ezechias, audita hac promissione, petivit signo seu miraculo eam confirmari. Factum est. Erat autem hoc signum: Umbra rediit decem gradibus retrorsum in horologio, quibus descenderat.

30. Rex Babylonis, cum intellexisset de morbo Ezechiae, misit ad eum legatos et munera, quibus ipse lètatus est. Et ostendit legatis omnem suum thesaurum. Quo nomine reprehendit illum Isaías, ac prædicti fore, ut omnis thesaurus regius auferretur à Babylonii, quod postea tempore captivitatis Babylonice factum est.

31. Manasses, filius Ezechiae fuit pessimus, sicut Achaz avus ejus. Duo generatim fecit mala: Primò abrogavit cultum Dei, quem Ezechias, pater ejus instauraverat. Secundò revocavit idolatriam, quam Achaz introduxerat. Speciatim hæc: 1. Ædificavit excelsa. 2. Erexit aras Baal. 3. Fecit lucos, et adoravit omnem militiam celi. 4. Extruxit aras idolorum in templo Domini. 5. Traduxit filium suum per ignem. 6. Ariolatus est, observa-

vit auguria, fecit pythones, multiplicavit aruspices. 7. Fudit sanguinem innoxium. Propter hæc minatus est Deus per Prophetas: «Ecce ego inducam mala super Jerusalem, et Judam, ut quicumque audierit, tinniant ambæ «aures ejus:» (4 Reg. xxI, 12.) Postea venerunt principes assyriorum cum exercitu, et Manassem vincutum catenæ ac compedibus duxerunt in Babylonem: ibique præ angustia animi cœpit orare Deum, et agere pœnitentiam. Deinde reversus in Jerusalem, sustulit idolatriam, et cultum Dei restauravit. (2 Paralip. xxxIII, 11.) Aliqui putant Isaiam prophetam, jubente Manasse, serra lignea in duas partes dissecutum esse, ut Epiphanius, Isidorus, Eusebius, Hieronymus et alii apud Turniellum in Annalibus, anno mundi 3338, n. 4. Vide Baronium in Martyrologio, die 6 Julii.

32. Amon, filius Manassis, fuit impius, secutusque est impietatem patris, sed non pœnitentiam. In propria domo a suis subditis interfactus est: (4 Reg. xxI, 49, et 2 Paralip. xxxIV, 21.)

33. Josias, filius Amon fuit optimus. Cœpit regnare, cum esset octo annorum, et multa præclare gessit, ut habetur 4 Regum xxII, et Paralip. xxxIV et xxxV. Primò abstulit ex Juda et Jerusalem, itemque ex universa terra Israel omnia excelsa, lucos, aras Baalim, sculptilia et simulacra. Secundò, iis ablatis, curavit per Helciam Sacerdotem instaurari templum Domini. Tertiò in instaurazione templi inventus est liber legis seu Deuteronomii, quem Helcias misit regi legendum. Quartò rex, lecto libro, scidit vestimenta sua, et exterritus est propter maledictiones, quæ in illo libro habebantur contra transgressores legis. Sciebat enim multis reges ex suis antecessoribus una cum populo deseruisse legem Dei, et coluisse idola: ac proinde meritò timebat, ne omnes istæ maledictiones venirent super Judam et Jerusalem. Quintò itaque misit Helciam, et alias primarios, ut orarent Dominum ad avertendas hujus maledictiones; et simul consulerent, quid facto opus esset. Sextò quod cum regi nunciatum esset, convocavit universum populum, et lecto publicè libro Deuteronomii, pepigit sœdus cum Deo, et adjuravit omnes, ut idem facerent, ac promitterent se

servaturos præcepta legis, quæ in illo libro continebantur. Quod etiam factum est. Septimò his peractis, celebravit Phase in Jerusalem, et curavit ut Sacerdotes et Levitæ juxta ordinem suum distributi, ministrarent in templo, et officia sua peragerent. Octavò tandem cum Necho rex Ægypti veniret cum exercitu contra regem assyriorum, occurrit illi Josias, ut ipsum impediret. In pugna, quæ fiebat in campo Mageddo, vulneratus, et mortuus est. De quo sic legimus 2 Paralip. xxxV, 24: «Universus Juda et Jerusalem luxerunt eum, Jeremias «maximè.»

34. Joachaz, filius Josiæ à populo terræ constitutus fuit rex. Quod indignè ferens Necho rex Ægypti, venit post tres menses in Jerusalem, ac primò depositus Joachaz, et captivum duxit in Ægyptum. Secundò exegit à populo centum talenta argenti, et talentum auri, eō quod sine ipsius auctoritate constituisset sibi regem. Tertiò in locum depositi regis subrogavit Eliacim, alterum filium Josiæ, quem alio nomine vocavit Joacim. Fuit autem Joachaz impius, et in Ægypto mortuus est: (4 Regum xxIII, 30, et 2 Paralip. xxxVI, 1.)

35. Joacim, seu Eliacim fuit etiam impius. Sub illo, et sequentibus regibus completae sunt maledictiones et captivitates, quas Deus propter peccata Manassis et aliorum regum minatus erat judaïs: (4 Regum xxIV, 3.) Nam anno regni ejus tertio venit Nabuchodonosor rex in Jerusalem, et ipsum regem Joacim cum magna populi parte et vasis templi captivum duxit in Babylonem. (2 Paralip. xxxVI, 6, et Dan. 1, 1.) Postea tamen regno fuit restitutus, cum certum quotannis tributum promisisset. Solvit hoc tributum tribus tantum annis, et tum conjunxit se ægyptiis, et regi Nabuchodonosori rebellavit. (4 Regum xxIV, 1.) Quod ægre ferens Nabuchodonosor, redit in Jerusalem anno undecimo regni Joacim, et cepit illum captivum, et extra Jerusalem interfecit, ac insepultum reliquit. Quod Deus prædixerat per Prophetam, Jeremiæ xxN, 18: «Hæc dicit Dominus ad Joacim, filium Josiæ, regem Juda: Non plangent eum.» Et infra: «Sæpultura asini sepelietur, putrefactus, et projectus extra portas Jerusalem.»

36. Joachim , filius Joacim , ( qui et Jechonias dictus est , ) fuit similiter malus , et tribus tantum mensibus regnavit . Tunc iterum venit Nabuchodonosor rex in Ierusalem , et captivos abduxit regem , matrem ejus , uxores , servos , principes et decem millia virorum fortium in Babylonem : et asportavit omnia vasa templi , et thesauros domus Domini , et thesauros domus regiae ; nihilque reliquit in Juda et Ierusalem , nisi pauperes populi terræ . Pro Joachim verò constituit alium regem , Mathaniam patruum ejus , et vocavit illum Sedeciam . ( 4 Regum xxiv , 11 .)

37. Sedecias , seu Mathanias à Nabuchodonosore constitutus rex , fuit malus . Hic confirmato regno , cœpit rebellare contra Nabuchodonosorem . Itaque Nabuchodonosor venit cum ingenti exercitu , et obsedit Ierusalem ab anno nono regni Sedeciae usque ad undecimum . Quo anno , cum fames prævaleret in civitate , nec haberent amplius panem , quem comederent ; quadam nocte fugit rex Sedecias , et omnes bellatores cum eo per viam , quæ ducit ad campestra solitudinis . Tunc exercitus Nabuchodonosoris persecutus est illum , et comprehendit in planitiæ Jericho . Omnes bellatores , qui erant cum eo , dispersi sunt , et reliquerunt eum . Inde ductus est ad Nabuchodonosorem in Reblata , ubi hæc contigerunt : 1. Nabuchodonosor occidit omnes filios Sedeciae coram eo . 2. Oculos ejus effodit : 3. Vinctum catenis duxit in Babylonem . Postea misit Nabuzardam principem exercitus sui in Ierusalem , qui hæc patravit : 1. Templum Domini , domum regiam et omnes domos Ierusalem combussit igni . 2. Muros Ierusalem in circuitu destruxit . 3. Omnia vasa et ornamenta templi abstulit . 4. Quotquot residui erant in civitate , vel occidit , vel abduxit , relictis tantum vinitoribus et agricolis . 5. His præfecit Godoliam . Et hæc fuit tertia captivitas Babylonica , sub qua periit regnum Juda . ( 4 Reg . xxv , et 2 Paralip . xxxvi .) Nota . Hæc tres captivitates contigerunt propter peccata judæorum : cum enim Deus per Prophetas nihil apud eos efficeret ; voluit illos bellis , cædibus et captivitatibus castigare , ut vel sic tandem ad saniorem mentem redirent .

38. Hæc sufficiant de regibus Juda . Sequuntur reges

Israel , qui omnes , post factam regnidivisionem , fuerunt impii et idololatræ . Auctor idololatriæ , ut paulò post dicam , fuit Jeroboam . Habuerunt primariam regni sedem , primò quidem in Sichem , tribu Ephraim ; deinde in Thersa , tribu Manasse ; postremò in Samaria , quæ erat in finibus tribus Ephraim prope tribum Manasse . Duravit hoc regnum usque ad annum sextum regni Ezechiae regis Juda . Tunc enim filii Israel ab assyriis in captivitatem ducti sunt .

39. Igitur primus rex Israel post mortem Salomonis fuit Jeroboam , filius Nabat Ephratæus , et à Deo speciatim electus per Ahiam Silonitem Prophetam cum hac promissione , ut si Deo adhæreret , et mandata ejus custodiret , in regno confirmaretur non solum ipse , sed etiam posteri ejus ( 3 Regum xi , 29 ) : sed duplíciter peccavit : Primò quia fuit ingratus pro beneficio . Nam statim accepto regno , recessit à Deo , et factus est idololatra . Secundò fuit incredulus . Non enim credebat regnum suum stabiliendum à Deo , sed per propriam prudentiam et industriam . Res sic contigit : Soliti erant filii Israel ter singulis annis ire in Ierusalem , ut ibi orarent , et Deo offerrent sacrificia . Timebat ergo Jeroboam , ne si deinceps id facerent , redirent ad obedientiam Roboam regis Juda , filii Salomonis , qui habitabat in Ierusalem , et erat legitimus regni hæres , à quo defecerant , et sic ipse regni administratione excluderetur . Ne id fieret , excogitato pessimo consilio , conflavit duos vitulos aureos , et dixit filiis Israel : « Nolite ultrà ascendere Ierusalem : Ecce « Dii tui , Israel , qui te eduxerunt de terra Ægypti . » Et unum posuit in Bethel , alterum in Dan : ( 3 Reg . xii , 28 .) Et sic effecit , ut filii Israel , relicto Deo , fierent idololatræ , et vitulos aureos adorarent . Unde sæpè de illo dicitur : Qui peccare fecit Israel . Et quia reliqui reges Israel exemplum ipsius imitati sunt , solet de illis dici : « Ambulavit in via Jeroboam , et in peccatis ejus , quibus peccare fecit Israel . »

40. Deinde extruxit altare in Bethel , constituit novos Sacerdotes ex infima plebe , qui non erant de filiis Levi : instituit solemnitatem mense octavo , die 15 mensis celebrandam , similem ei , quæ celebrabatur in Ierusalem .

Et in ista solemnitate ipse tamquam Pontifex obtulit solemnies victimas, et incensum adolevit: (3 Reg. xii, 32.) Propter hanc impietatem variis modis à Deo punitus est.  
1. Altare scissum est, in quo ipse incensum adolebat.  
2. Exaruit manus illius. 3. Abia filius ejus mortuus est.  
4. Tota familia paulò post deleta. 5. Omnes, qui ex familia ipsius interficiuntur sunt, mangerunt insepulti, et à canibus et feris dilacerati sunt. 6. Regnum ad aliam familiam translatum. Quæ omnia fuisse narrantur 3 Regum xiii et xiv. De reliquis regibus, qui Jeroboam successerunt, nihil necessè est dicere. Constat fuisse impios.

### QUÆSTIO V.

Quomodo creati fuerint reges hebræorum.

1. Dicam 1 de creatione: 2 de inauguratione: 3 de unctione. Igitur quod ad creationem attinet, notandum est reges variis titulis creari, seu jus regni adipisci posse. 1. Electione. 2. Successione. 3. Jure belli. 4. Vi et tyrannide. 5. Donatione. 6. Emptione aut permutatione. 7. Adoptione. 8. Superioris, aut potentioris auctoritate. Et si qui alii sunt.

2. Est ergo quæstio: Quo titulo reges hebræorum ad regnum pervenerint? Aliqui putant electione seu suffragiis populi creatos esse, et regnandi potestatem accepisse. Ita Carolus Siginus, et Gulielmus Barclanus, apud Pinedam lib. 2 de rebus Salomonis cap. 2. Quod dupliciter probari potest: Primo, quia Deus permisit jus suffragii in eligendo reges juxta illud Deuteronomii xvii, 15: «Non poteris alterius gentis hominem regem facere, qui non sit frater tuus.» Secundò, quia constat multos à populo electos esse. Sic electus est Saul: 1 Reg. xii, 13: «Nunc ergo præsto est rex vester, quem elegistis et petiistis.» Sic David: 2 Reg. v, 1: «Venerunt universæ tribus Israel ad David in Hebron, et unixerunt in regem super Israel.» Sic Salomon: 1 Paralip. xxix, 23: «Sedit Salomon super solium Domini in regem pro David Patre suo, et cunctis placuit, idest, cuncti consenserunt, et suffragati sunt. Sic Roboam: 3 Reg. xii, 1:

«Venit autem Roboam in Sichem: illuc enim congregatus erat omnis Israel ad constituendum eum regem.» Sic Jeroboam: ibidem vers. 20: «Factum est autem, cum audisset omnis Israel, quod reversus esset Jeroboam, miserunt, et vocaverunt eum, congregato cœtu, et constituerunt eum regem super omnem Israel.» Sic Ochozias: 2 Paralip. xxii, 1: «Constituerunt autem habitatores Jerusalem Ochoziam filius ejus minimum regem pro eo.» Sic Ozias: 2 Paralip. xxvi, 1: «Omnis autem populus Juda filium ejus Oziam annorum sexdecim constituit regem pro Amasia patre suo.» Sic Josias: 2 Paralip. xxxiii, 25: «Reliqua populi multitudo, cæsis iis, qui Amon percusserant, constituit regem Josiam filium ejus pro eo.» Sic Joachaz: 2 Paralip. xxxvi, 1: «Tulit ergo populus terræ Joachaz filium Josiae, et constituit regem pro patre suo in Jerusalem.»

3. Respondeo: Aliud est loqui de jure, aliud de facto. Si loquamur de jure, non poterat aliis constitui vel creari rex à populo, nisi qui à Deo electus et designatus esset juxta illud Deuteronom. xvii, 15: «Eum constitues (regem) quem Dominus Deus tuus elegerit de numero fratrum tuorum.» Et quia hoc non semper servatum est, idèo conqueritur Deus apud Oseam cap. viii, v. 4: «Ipsi regnaverunt, et non ex me.» Si autem loquamur de facto, servandæ sunt sequentes conclusiones:

4. Prima conclusio: Aliqui per electionem divinam creati sunt reges hebræorum, ut Saul, David, Jeroboam, Baasa, Jehu. Nam Saul à Samuele, jussu Dei, privatim unctionis est in regem, nec præsente, nec sciente populo: 1 Reg. x, 4: «Tulit autem Samuel lenticulam olei, et effudit super caput ejus, et ait: Ecce unxit te Dominus super hæreditatem suam in principem.» Hoc enim mandaverat Deus Samueli: 1 Reg. ix, 16: «Hac ipsa hora, qua nunc est, cras mittam virum ad te de terra Benjamin, et unges eum ducem super populum meum Israel.» Postea per sortes, Deo item dirigente, publicè electus est: 1 Reg. x, 20: «Applicuit Samuel omnes tribus Israël, et cecidit sors super Benjamin. Et applicuit tribum Benjamin et cognationes ejus, et cecidit cognatio Metri, et pervenit usque ad Saul filium Cis.» Huic ele-

ctioni à Deo factæ consensit populus , dicens: *Vivat Rex.*  
Non tamen omnis populus , sed pauci dumtaxat , quorum  
*Deus tetigerat corda*, ut loquitur Scriptura ibidem vers. 26.

5. Idem constat de Davide. Dum enim Saul à Deo rex constitutus , ut dixi , non obediret Deo , abjecit illum Deus , et regnum ejus transtulit in Davidem: 4 Reg. xiii, 13: «Dixit Samuel ad Saul : Stulte egisti , nec custodisti mandata Domini Dei tui , quae præcepit tibi. Quod si non fecisses , jam nunc preparasset Dominus regnum tuum super Israel in sempiternum; sed nequaquam regnum tuum ultra consurget. Quæsivit Dominus sibi virum juxta cor suum : et præcepit ei Dominus , ut esset dux super populum suum.» Et c. xv , vers. 28 : «Et ait ad eum Samuel : Scidit Dominus regnum Israel à te hodie , et tradidit illud proximo tuo meliori te.» Et Actorum xiii , v. 22 : «Et amoto illo , (Saul) suscitavit illis David regem.»

6. Similiter de Jeroboam , qui à Deo per Prophetam monitus est , quod , facta regni Salomonis divisione , ipse futurus esset rex super decem tribus : 3 Regum xi, 34: «Et ait (Abias) ad Jeroboam: Tolle tibi decem scissuras: Hæc enim dicit Dominus Deus Israel : Ecce ego scindam regnum Salomonis , et dabo tibi decem tribus.»

7. Et de Baasa , cui Dominus dixit per Prophetam: 3 Reg. xvi, 2: «Pro eo , quod exaltavi te de pulvere , et posui te ducem super populum meum Israel : tu autem ambulasti in via Jeroboam , et peccare fecisti populum meum Israel , ut me irritares in peccatis eorum : Ecce ego demetam posteriora Baasa , et posteriora domus ejus: et faciam domum tuam , sicut domum Jeroboam filii Nabat. Qui mortuus fuerit de Baasa in civitate , comedent eum canes : et qui mortuus fuerit ex eo in regione , comedent eum volucres cœli.»

8. Et de Jehu , quia Propheta , iusu Dei in regem Israel unctus est : 3 Reg. xix, 15: «Ait Dominus ad Eliam: «Vade et revertere in viam tuam per desertum in Damascum : cumque perveneris illuc , unges Hazael regem super Syriam , et Jehu filium Namsi unges regem Israel.» Et 4 Regum ix, 1: «Tolle lenticulam olei , et vade in Ramoth Galaad: cumque veneris illuc , videbis

«Jehu , tenensque lenticulam olei , fundes super caput ejus , et dices: Hæc dicit Dominus : Unxi te regem super Israel.» De unctione dicam plura quæst. 7.

9. Secunda conclusio : Aliqui facti sunt reges per successionem , ut Salomon , Roboam , et plerique alii reges Juda. Itemque ex regibus Israel Nadab , Ela , Achab , Ochozias , Joram , Joachaz , Jeroboam , Zacharias , Phaceja. Hi enim suis parentibus in regno successerunt , ut ex Scriptura patet. Sed notandum est hanc successionem aliquando conjunctam fuisse vel cum expressa Dei , vel cum expressa hominum electione. Prius patet exemplo Salomonis , qui quidem successit Davidi patri suo , in regno , sed ex peculiari Dei ordinatione , ut fatetur ipse met David : 4 Paralip. xxviii, 5: «De filiis meis (filios enim multos dedit mihi Dominus ) elegi Salomonem filium meum , ut sederet in throno regni Domini super Israel.» Et similiter Salomon : 2 Paralip. 1, 9: «Tu me fecisti regem super populum tuum multum.» Et Sapiens. ix, 7: «Tu elegisti me regem populo tuo.» Posterius constat exemplo Abiae , quem Roboam pater ejus præ aliis suis filiis designavit regem : 2 Paral. xi, 22: «Constituit verò in capite Abiam , filium Maacha , ducem super omnes fratres suos: ipsum enim regem facere cogitabat , quia sapientior fuit , et potentior super omnes filios ejus.»

10. Tertia conclusio : Aliqui facti sunt reges per vim et tyrannidem , ut Athalia in regno Juda ; et Zambri , Sellum , Manahem , Phacee , Osee in regno Israel. De Athalia sic legimus 4 Regum xi, 1: «Athalia verò mater Ochozia videns mortuum filium suum , surrexit , et interfecit omne semen regium.» Et posteà subditur: «Porro Athalia regnavit super terram.» De Zambri: 3 Regum xvi, 9: «Rebellavit contra eum (Elam filium Baasa ) servus Zambri. Et infra: «Irruens ergo Zambri percussit , et occidit eum , et regnavit pro eo.» De Sellum : 4 Reg. xv, 10: «Conjuravit autem contra eum (Zachariam regem) Sellum filius Jabes , percussitque eum palam et interfecit , regnavitque pro eo.» De Manahem : ibidem versu 14: «Et ascendit Manahem filius Gadi de Thersa , venitque in Samariam , et percussit Sellum filium Jabes

«in Samaria , et interfecit eum , regnavitque pro eo.» De Phacee : ibid. vers. 25: «Conjuravit contra eum (Phacee ibid. Manahem ) Phacee filius Romeliæ, et percussit eum in Samaria , in turre domus regiæ , et cum eo quinquaginta viros de filiis Galaaditarum , et interfecit eum , regnavitque pro eo.» Denique de Osee: ibidem versu 30: «Conjuravit autem , et tetendit insidias Osee filius Ela contra Phacee filium Romeliæ , et percussit eum , et interfecit , regnavitque pro eo.»

11. Quarta conclusio: Aliqui facti sunt reges hebræorum à regibus gentilium; ut Joachin à Pharaone rege Ægypti , et Sedecias à Nabuchodonosore rege Babylonis . Nam Pharaon depositus Joachaz regem Juda , et vincum duxit in Ægyptum , ac in ejus locum substituit Eliacim filium Josiæ: (4 Reg. xxiii , 34.) Similiter Nabuchodonosor , capta Jerusalem , depositus Joachin regem Juda , et captivum transtulit in Babylonem , subrogato in locum ejus Sedecia: (4 Reg. xxiv , 15.)

12. Argumenta , quæ initio allata sunt , nihil aliud probant , quām populum publicè ac solemniter approbas se quorundam regum vel electionem , vel successionem , quod non negamus. Sic enim fieri solet , etiam hoc tempore. Quando enim eligitur novus princeps , aut rex , vel quando filius succedit patri in regno , vel principatu , solet populus applaudere , et consentire.

## QUÆSTIO VI.

Quo ritu inauguri fuerint reges hebræorum.

1. Boni auctores tradunt varios ritus , ac cæremonias , quæ adhiberi solebant in publica regum consecratione seu inauguratione. Sunt autem hæ potissimum : Prima , futurus rex in throno seu solio collocabatur: (3 Reg. i , 48.) Secunda , ungebatur à summo Sacerdote: (3 Regum i , 39 , et 2 Paral. xxiii , 11.) Tertia , ponebatur diadema super caput ejus: (4 Regum xi , 12 , et 2 Paral. xxiii , 11.) Quarta , dabatur illi in manus liber Deuteronomii , in quo lex erat scripta: (2 Paral. xxiii , 11.) Quinta , jura bat in legis observatione: (Ps. cxviii , cxi.) Sexta , clama-

batur à populo : Vivat Rex : (1 Regum x , 24 , et 3 Regum i , 39 , et 4 Regum xi , 12.) Septima , fiebant sacrificia omnis generis: (1 Regum xi , 15.) Octava , edebantur varia lætitiae et approbationis signa : (1 Regum xi , 15 , et 3 Regum i , 40.) Vide Abulensem 3 Regum 4 , quæstionem 37 , et Serarium 4 Reg. 40 in Commentario.

2. Notandum tamen est aliquando plures , aliquando pauciores ritus fuisse adhibitos , nec semper eo ordine , quo jam enumerati sunt. Quod aliquot exemplis demonstrabo. Inauguratio Saulis describitur 1 Reg. x , 24 : «Clamavit omnis populus , et ait : Vivat Rex : et capite xi , v. 15 : «Perrexit omnis populus in Galgala , et fecerunt ibi regem Saul coram Domino in Galgala , et immolaverunt ibi victimas pacificas coram Domino : Et latitatus est Saul et cuncti viri Israel nimis.»

3. Inauguratio Salomonis: 3 Regum i , 38 : «Descedit ergo Sadoc Sacerdos , et Nathan Prophetæ , et Bannajas filius Jojadæ , et Cerethi , et Phœlethi : Et impo-suerunt Salomonem super mulam regis David , et adduxerunt eum in Gihon. Sumpsitque Sadoc Sacerdos cornu olei de Tabernaculo , et unxit Salomonem: Et ecce cinerat buccina , et dixit omnis populus : Vivat Rex Salomon. Et ascendit universa multitudo post eum , et populus canentium tibiis , et latitantum gaudio magno , et insouit terra à clamore eorum : » et infrà versu 47: «Et ingressi servi regis benedixerunt domino nostro regi David , dicentes : Amplificet Deus nomen Salomonis super nomen tuum , et magnificet thronum ejus super thronum tuum. Et adoravit rex in lectulo suo: et locutus est : Benedictus Dominus Deus Israel , qui dedit hodie sedentem in solio meo , videntibus oculis meis.»

4. Inauguratio Joas: 4 Regum xi , 12 : «Jojada sacerdos produxit filium regis , et posuit super eum diadema et testimonium , feceruntque regem , et unixerunt: «Et plaudentes manu dixerunt : Vivat Rex : » et 2 Paral. xxiii , 11 : «Et eduxerunt filium regis , et imposuerunt ei diadema et testimonium ; dederuntque in manu ejus tenendam legem , et constituerunt eum regem. Unxit quoque illum Jojada pontifex , et filii ejus , imprecative sunt ei , atque dixerunt : Vivat Rex .»

QUÆSTIO VII.

Quomodo uncti fuerint reges hebræorum.

1. Duplex erat unctione regum apud hebræos. Una privata, altera publica. Privata fiebat ante solemnem inaugurationem: publica in ipsa solemnī inauguratione. Privatim uncti sunt Saul, David, Jehu. Saul à Samuele in extrema parte civitatis, nullo alio præsente: (1 Reg. ix, 27.) David ab eodem Samuele in domo patris sui in Bethlehem: (1 Reg. xvi, 13.) Jehu à filio Prophetæ in cubiculo seorsim, nullo alio conscientia: (4 Reg. ix, 6.) Publicè uncti sunt David, Salomon, Joas, Joachaz. Et quidem de unctione Salomonis, et Joas dictum est quæstione præcedenti. De unctione Joachaz sic legimus 4 Reg. xxiii, 30: «Tulit populus terra Joachaz filium Josiæ, et unixerunt eum, et constituerunt eum regem pro patre suo.» De Davide notandum est, ut unctione fuisse in regem. Primo, privatim à Samuele in domo patris sui, ut paulò ante dixi. Secundo, publicè in Hebron in regem Juda: (2 Reg. ii, 4.) Tertio, publicè in Hebron in regem Israel: (2 Reg. v, 3.)

2. Quæres, an fuerit aliquod discrimen inter unctionem regum, et Pontificum apud hebræos? Respondeo: Fuit triplex discrimen: Primo, quia omnes Pontifices ex præscripto legis ungebantur, et nisi uncti essent, non admittebantur ad officium pontificale: (Exodi xxix, 7, et Levit. viii, 4.) At nullum existabat præceptum Dei, quo omnes reges ad unctionem astringerentur. Secundo, Pontifices semper ungebantur publicè coram populo apud Tabernaculum Domini: (Exodi xxix, 4, et Levit. viii, 3.) At reges aliquando privatim, aliquando publicè, ut dictum est. Tertio, Pontifices ungebantur oleo sancto, idest unguento composito ex oleo, myrra, cinnamomo, calamo, casia: (Exodi xxx, 23.) At reges oleo simplici, idest non composito ex supradictis aromatibus. Quod tametsi aliqui negent, verissimum tamen est, et tribus argumentis probari potest.

3. Primum sumitur ex lege Dei. Nam Deus præcep-

rat, ut nullus hominum ungeretur oleo sancto, quale jam descriptum est, nisi Pontifex et Sacerdotes. Sic enim legimus Exod. xxx, 30: «Aaron et filius ejus unges; sanctificabisque eos, ut Sacerdotio fungantur mihi. Filii quoque Israel dices: Hoc oleum unctionis sanctum erit mihi in generationes vestras. Caro hominis non ungetur ex eo, et juxta compositionem ejus non facietis aliud, quia sanctificatum est, et sanctum erit vobis. Homo quicumque tale composuerit, et dederit ex eo alieno, exterminabitur de populo suo.» Ex quo præcepto duo colligimus: 1. Quod nemo præter Aaronem et filios ejus, id est præter Pontificem et Sacerdotes, potuerit ungi oleo sancto, quod ex variis aromatibus confectum erat. 2. Quod nulli licuerit confidere simile oleum, aut alicui alteri communicare.

4. Alterum sumitur ex phrasí Scripturae. Nam oleum sanctum, quo Pontifex et Sacerdotes utebantur, nunquam in Scriptura appellatur oleum simpliciter; sed oleum unctionis, vel oleum unctionis sanctum, vel oleum sanctæ unctionis, vel unguentum: Exodi xxix, 7: «Oleum unctionis fundes super caput ejus:» et cap. xxx, 25, «Faciesque unctionis oleum sanctum, unguentum compositum opere unguentarii:» et infrā vers. 31: «Hoc oleum unctionis sanctum erit vobis:» et Levit. xxi, 12: «Oleum sanctæ unctionis super eum est:» et alibi sæpius. Et ratio est, quia non erat oleum simplex ac purum, sed unguentum confectum ex oleo, et variis aromatibus, ut jam ante dixi; ac proinde non oleum simpliciter, sed oleum unctionis, vel unguentum appellari debuit. At oleum, quo reges ungebantur, nunquam appellatur oleum unctionis, aut unguentum; sed oleum simpliciter, quia non erat compositum ex oleo, et aromatibus, sed purum, ac simplex oleum: (1 Reg. x, 1:) «Tulit Samuel lenticulam olei, et effudit super caput ejus,» id est Saulis: et cap. xvi, 13. «Tulit Samuel cornu olei, et unxit Davidem in medio fratrum ejus:» et 4 Reg. ix, 1: «Tolle lenticulam olei, et fundes super caput ejus,» nempè Jehu. Hinc infero reges non fuisse unctos oleo composito, quo Pontifex et Sacerdotes ungebantur, sed oleo puro ac simplici.

5. Tertium sumitur ex illis verbis Levit. xxi, 10: «Pontifex, id est Sacerdos maximus inter fratres suos, super cuius caput fusum est unctionis oleum, et cuius manus in Sacerdotio consecratae sunt; vestitusque est sacramentis vestibus, caput suum non discoperiet, vestimenta non scindet, et ad omnem mortuum non ingredietur omnino: super patre quoque suo, et matre non contaminabitur. Nec egredietur de Sanctis, ne polluat sanctuarium Domini, quia oleum sanctae unctionis Dei sui super eum est. Ego Dominus.» In quibus verbis continetur haec lex, ut Pontifex externo ritu non lugeat mortuos, nec egressus est in sanctuario, prosequatur funera mortuorum, ne quidem parentum suorum. Et ratio legis additur, quia oleum sanctae unctionis fusum est super caput ejus; ac proinde nullo modo debet contaminari. Contaminaretur autem si lugeret mortuos, aut funera eorum prosequeretur. Unde sic argumentor: id est Pontifex non poterat lugere mortuos, aut eorum funera prosequi, quia oleum sanctae unctionis fusum erat super caput ejus. At reges poterant lugere mortuos, et prosequi funera mortuorum. Hoc enim fecit David in morte Saulis et Jonathæ, juxta illud 2 Reg. i, 14: «Apprehendens autem David vestimenta sua scidit, omnesque viri, qui erant cum eo, et planxerunt, et fleverunt, et jejunaverunt usque ad vesperam super Saul, et super Jonatham filium ejus.» Ergo oleum sanctae unctionis non erat fusum super caput regum.

6. Ubi notandum est discriminem inter Pontificem, Sacerdotes et reges. Solus Pontifex ungebatur oleo unctionis in capite, et id est non lugebat ullos mortuos, ne quidem parentes. Sacerdotes non ungebantur quidem in capite, sed tamen in vestibus aspergebantur, partim sanguine arietis immolati, partim oleo sanctae unctionis: (Exodi xxix, 21.) Et id est poterant quidem lugere propinquos et consanguineos, non tamen alios. (Levitici xxi, 2.) Reges nec in capite, nec in vestibus habebant oleum sanctae unctionis, sed oleum simplex et vulgare; et id est poterant lugere omnes mortuos, quos volebant. Sic David luxit filium suum Absalonem: (2 Reg. xviii, 33, et cap. xix, 1.) Sic luxit Abner filium Ner, et fere-

trum illius ad sepulturam secutus est: (2 Regum iii, 34.)

7. Praeter haec tria argumenta, quæ videntur esse solidia, accedunt alia tria valde probabilia. Primum, quia oleum sanctæ unctionis non poterat attractari nisi a Pontifice et Sacerdotibus; at Saul, David, Jehu non sunt uncti a Pontifice vel Sacerdotibus, sed a Prophetis; non ergo uncti sunt oleo sanctæ unctionis. Alterum, quia Elias propheta a Deo jussus est ungere Jehu in regem Israel, et Hazael in regem Syriae, et Elisæum in Prophetam: (3 Reg. xix, 15.) Et verisimile est, quod ex eadem lenticula, vel ex eodem cornu olei potuisset eos ungere. At Hazael non poterat ungere oleo sanctæ unctionis, quia erat homo gentilis. Ergo verisimile est, nec Jehu, nec Elisæum oleo sancto, sed simplici unctos esse. Tertium, quia David ter unctus est, ut supra dixi. Nec credibile est toties unctum esse oleo sancto, quia ne quidem Pontifex, pro quo factum erat oleum sanctum, toties ungebatur.

8. Dices: David et Salomon videntur uncti esse oleo sancto. De Davide constat ex illo Ps. lxxxviii, 21: «Inveni David servum meum: oleo sancto meo unxi eum.» De Salomone ex illo 3 Reg. i, 39: «Sumpsit Sadoc Sacerdos cornu olei de Tabernaculo, et unxit Salomonem.» At oleum, quod in Tabernaculo asservabatur, erat sanctum. Respondeo: Auctores hic dissentunt: Aliqui putant oleum sanctum commune fuisse regibus et Sacerdotibus. Hoc jam refutatum est. Alii Davidem et Salomonem ex peculiari dispensatione unctos esse oleo sancto. Ita Genebrad. in Ps. xxi, ubi ex Cabala et traditione hebraeorum haec asserit: 1. Ex consilio Samuelis et Prophetarum illius temporis dispensatum fuisse cum Davide, et reliquis regibus familiae Davidicæ, ut ungerentur oleo sacerdotali; non autem cum aliis regibus. Itaque Saulem, Jehu, Hazael non fuisse unctos oleo sacerdotali. 2. Id propterea factum esse, quia Christus erat nasciturus ex familia Davidis. 3. Externam et corporalem unctionem Davidis et Salomonis fuisse typum seu figuram spirituallis unctionis Christi. 4. Tametsi Pontifices, et reges familiae Davidis fuerint uncti eodem oleo sancto; reges tamen unctos fuisse per modum coronæ; Pontifices per mo-

dum crucis decussatae. 5. Illud oleum sanctum, (quod à Moyse confectum erat,) durasse à tempore Moysis usque ad captivitatem Babylonicam, idest, per 90 annos; et tamen si omnes Pontifices et reges familiae Davidis ex eo fuerint uncti, nunquam tamen diminutum esse, sed per miraculum integrum persistisse. 6. Pontifices post captivitatem Babylonicam unctos fuisse oleo novo, quod ad similitudinem prioris erat confectum.

9. Alii rectius sentiunt nec Davidem, nec Salomonem, nec ullum alium regem potuisse ungi oleo Pontificali. Ita Oleaster, Cajet., Lippoman, quos citat et sequitur noster Lorin. in Ps. LXXXVIII, 21. Et hoc convincunt argumenta superius à nobis allata. Nec obstat illud: *Oleo sancto meo unxi eum*: nam inde non sequitur Davidem unctum fuisse oleo unctionis, seu unguento composito ex oleo et variis aromatibus (de quo solo hic disputamus,) sed tantum unctum fuisse oleo sancto. At oleum sanctum latius patet, quām oleum unctionis Pontificalis. Cum enim duplex oleum fuerit usitatum in lege Mosaica, alterum compositum ex oleo et aromatibus, alterum simplex ac purum; utrumque poterat dici sanctum, sed diverso modo; oleum unctionis dicebatur sanctum, quia per illud sanctificabantur et consecrabantur Pontifices et Sacerdotes: oleum simplex, quo unctus est David, et alii reges ac Prophetae, dicebatur sanctum ratione mysterii, quia erat figura illius olei, quo postea sanctificatus est Christus. Unde sicut de Davide dicitur: «Oleo sancto meo unxi eum»: ita de Christo: «Unxit te Deus oleo laetitiae præ consortibus tuis»: Psal. XLIV, 8.

10. Neque verum est, quod objicitur, non aliud oleum quām oleum unctionis, quo ungebantur Pontifices et Sacerdotes, asservatum fuisse in Tabernaculo. Nam præter illud asservabatur etiam oleum, quo quotidie lucernæ instaurabantur a Sacerdotibus, de quo Levit. xxiv: «Præcipe filiis Israel, ut adferant tibi oleum de olivis pūrissimum ac lucidum ad concinnandas lucernas jugiter extra velum testimonii in Tabernaculo foderis.» Cur similiter non poterat asservari oleum pro ungendis regibus et Prophetis?

11. Quod dicitur de facta dispensatione, non est pro-

babile. Nam neque Samuel, neque alii Prophetæ poterant dispensare in lege divina, quæ vetabat, ne quis alius præter Pontifices et Sacerdotes ungeretur oleo unctionis. Multo minus alii eorum consilio poterant dispensare. Quod additur unctionem Davidis fuisse figuram unctionis Christi, lubens concessero. De quo paulo post. Nec improbatum est oleum unctionis per nongentos annos sine ulla sui diminutione suffecisse pro ungendis Pontificibus et Sacerdotibus. Nam etiam Rhemis in Gallia conservatur ampulla cum sacro chrismate, quæ similiter sine ulla sui diminutione per mille et centum annos sufficit pro ungendis regibus. De qua Genebrad. et Lorin. loco citato. Reliqua, quæ adferuntur, parum ad rem faciunt.

12. Quæres: Quare reges fuerint uncti in veteri Testamento? Non dispiro jam de genere olei, de quo satis dictum est; sed de ipsa unctione, quare adhibita fuerit in regum inauguratione? Respondeo: Adhibita fuit propter has causas: Primo, ut sicut per unctionem Pontificum significabatur summa illorum dignitas et excellentia inter ministros Synagogæ: ita per unctionem regum significaretur summa illorum dignitas et excellentia inter principes sæculares. Abulens. in 1 Reg. x, quæst. 4. Secundo ut per hanc ceremoniam insinuaretur regibus gratiam et robur animi ad defensionem Religionis et subditorum. Augustinus in Triumpho de potest. Ecclesiastica, q. 38, art. 2. Tertio, ut representarent Messiam sive Christum regem. Sicut enim Pontifices per suam unctionem erant figura Christi Pontificis; ita reges per suam unctionem erant figura Christi regis. Unde reges in Scriptura vocantur Christi Domini, ut patet 1 Reg. xxiv, 7, ubi David loquens de Saule, ait: «Propitius sit mihi Dominus, ne faciam hanc rem Domino meo, Christo Domini, ut mittam manum meam in eum, quia Christus Domini est»; et 2 Reg. 1, 14 de eodem: «Quare non timuisti mittere manum tuam, ut occideres Christum Domini?» et Ps. civ, 15: «Nolite tangere Christos meos»; et Isaiae XLV, 4: «Hæc dicit Dominus Christo meo Cyro.» Vide Serarium lib. 1 Reg., cap. 10 in Commentario.